







論甘延壽陳湯功疏

劉向之切諫
豈徒雕文飾辭苟為華葉之言哉精誠由中故其文語感動人深耳
為文論事當反覆致志救首救尾則事辭章著覽者可以立決劉向上疏首言周方叔吉甫誅獫狁次言齊桓有滅項之罪君子以功覆過李廣

郅支單于囚殺使者吏士以百數事暴揚外國傷威毀重羣臣皆閔焉陛下赫然欲誅之意未嘗有忘西域都護延壽副校尉湯承聖指倚神靈總百蠻之君檻城郭之兵檻總持也出百死入絕域遂蹈康居屠三重城蹇歛侯之旗斬郅支之首懸旌萬里之外揚威昆山之西掃谷吉之耻立昭明之功萬夷偕伏莫不懼震呼韓邪單于見郅支已誅且喜且懼鄉風馳義稽首來賓願守北藩累世稱臣立千載之功建萬世之安羣臣之勲莫大焉昔周大夫方叔吉甫為宣王

利靡億萬之
費捐五萬之
師靡獲宛王
之首孝武不
錄其過封爲
列侯然後極
言今康居國
疆于大宛云
云一疏抑揚
反覆援證明
白如此故以
衡顯出力沮
害竟不能奪
不然衡顯之
議豈區區一
故九卿所能
元哉

討儉狁而百蠻從其詩曰嘽嘽焞焞如霆如雷顯允
方叔征伐儉狁蠻荆來威易曰有嘉折首獲匪其醜
言美誅首惡之人而諸不順者皆來從也今延壽湯
所誅震雖易之折首詩之雷霆不能及也論大功者
不錄小過舉大美者不疵細瑕司馬法曰軍賞不踰
月欲民速得爲善之利也蓋急武功重用人也吉甫
之歸周厚賜之其詩曰吉甫宴喜旣多受祕來歸自
鎬我行永久千里之鎬猶以爲遠況萬里之外其勤
至矣延壽湯旣未獲受祕之報反屈捐命之功久挫
於刀筆之前刀筆謂吏也非所以勸有功厲戎士也昔齊

警策鍊聽全
在此

前三借証已
形得甘陳功

古今文苑

論甘延壽陳湯功疏二

臣

西漢

桓公前有尊周之功。後有滅項之罪。君子以功覆過。而為之諱。行事。項國名春秋僖十七年夏滅項齊滅之也不言齊為桓諱也貳師將軍李廣利捐五萬之師靡億萬之費。經四年之勞。而僅獲駿馬三十匹。雖斬宛王母鼓之首。猶不足以復費其私罪。惡甚多。孝武以為萬里征伐。不錄其過。遂封拜兩侯三卿二千石。百有餘人。今康居國疆於大宛。郅支之號重於宛。王殺使者。罪甚於留馬。而延壽湯不煩漢士。不費斗糧。比於貳師功德。百之且常。惠隨欲擊之。烏孫鄭吉迎自來之日。逐猶皆裂土受爵。故言威武勤勞。則大於方叔。吉甫列功。覆過則優。

大後段對勘
辭氣起伏從
橫而精神懇
至此疏陳於
前即匡衡極
力附顯決不
能獎主聽矣

於○齊○桓○貳○師○近○事○之○功○則○高○於○安○遠○長○羅○
而○大○功○未○著○小○惡○數○布○臣○竊○痛○之○宜○以○時○解○縣○通○
籍○除○過○勿○治○尊○寵○爵○位○以○勸○有○功○

呂祖謙曰春秋之法大夫無遂事公羊於書公于結

遂及齊侯宋公盟既曰大夫出疆有可以

安國家利社稷專之可也又言書公子遂

如晉乃曰公不得為有也其書遂一也而

褒貶不同如此何哉人臣出使苟國家有

大利病而不可以待報者若皆不許其遂

則營已之人得以自安苟其事不足為社

稷之安危而可以請命者若皆許其遂則
慢上之人得以自恣此孔子之深意也如
汲黯視延燒矯制發河內粟賑給饑民此
事急不可待報許其遂赦之可也如徐偃
行風俗矯制使膠東魯國鼓鑄鹽鐵此事
緩可以請命不詳其遂罪之可也陳湯矯
制斬郅支單于漢廷公卿之論不一匡衡
則曰不可賞開後奉使者乘危徼倖生事
蠻夷劉向則曰可賞論大功者不錄小過
不疵細瑕爭議久之不能定蓋未嘗有以

春秋之議決之者也匈奴爲中國之患尚
矣今擊而斬其主則威震百蠻豈可請命
而失其機會哉此春秋之所許也且自湯
之後千有餘歲功能繼湯者誰乎而慮其
開後奉使者乘危徼倖亦可謂私憂過計
矣元帝賞之是也

張以忠曰收放開合情事曲盡而竦動元帝處尤在
授據精切

又曰郅支罪浮莎車陳湯功高奉世而望之衡
顯用心又有公私之異固不可同日語

梅福論王氏書

只把高祖武帝事來議論

近而不遠切而不浮忠而不激可謂善

立言矣故雖觸時諱而不

賈禍有士如梅生公卿有

覲面目矣

恣意說去不

事繩削頗有奇氣

臣聞箕子佯狂于殷而爲周陳洪範叔孫通遁秦歸漢制作儀品夫叔孫通非不忠也箕子非疏其家而畔親也不可爲言也昔高祖納善若不及從諫若轉圜聽言不求其能舉功不考其素陳平起于亡命而爲謀主韓信拔于行陳而建上將故天下之士雲合歸漢爭進奇異知者竭其策愚者盡其慮勇士極其節怯夫勉其死合天下之知并天下之威是以舉秦如鴻毛取楚若拾遺此高祖所以無敵于天下也孝文皇帝起于代谷非有周召之師伊呂之佐也循高

此段是言王道廢缺孝文循高祖之法亦足爲治特以起下武帝事故下文亦只申論高武而不及孝文

歸功漢武之得賢以諷成帝

祖之法加以恭儉當此之時天下幾平。繇是言之循高祖之法則治不循則亂何者秦爲亡道削仲尼之迹滅周公之軌壞井田除五等禮廢樂崩王道不通故欲行王道者莫能致其功也。孝武皇帝好忠諫悅至言出爵不待廉茂慶賜不須顯功是以天下布衣各厲志竭精以赴闕廷自銜鬻者不可勝數漢家得賢于此爲盛使孝武皇帝聽用其計升平可致于是積尸暴骨快心胡越故淮南王安緣間而起所以計慮不成而謀議泄者以衆賢聚于本朝故其大臣執陵不敢和從也方今布衣乃窺國家之隙見間而起

按華督欲弑

君而憚孔父

劉安欲叛漢

而憚汲黯曹

操欲禪位而

憚孔融賢人

君子皆足以

衛宗社而碎

邪心奸臣之

所以憚也不

有君子其能

國乎

此言國家權

輕意歸在不

求士欲下文

遂以得士則

重夫士則輕

及引詩足之

者蜀郡是也

成帝鴻嘉中廣漢男子鄭躬等反

及山陽亡徒蘇令之

羣蹈藉名都大郡求黨與索隨和

求索與已和及隨已者

而亡

逃匿之意此皆輕量大臣亡所畏忌國家之權輕故

匹夫欲與上爭衡也士者國之重器得士則重失士

則輕詩云濟濟多士文王以寧廟堂之議非草茅所

當言也臣誠恐身塗野草尸并卒伍故數上書求見

輒報罷臣聞齊桓之時有以九九見者桓公不逆欲

以致大也

九九算數若今九章五曹之輩

今臣所言非特九九也陛下

下距臣者三矣此天下士所以不至也昔秦武王好

力任鄙叩關自鬻繆公行伯繇余歸德今欲致天下

端亦難開

之士民有上書求見者。輒使詣尚書問其所言。言可
采取者。秩以升斗之祿。賜以一束之帛。若此。則天下
之士發憤懣吐忠言。嘉謀日聞于上。天下條貫國家
表裏爛然可睹矣。夫以四海之廣。士民之數。能言之
類至衆多也。然其雋傑指世陳政。言成文章。質之先
聖而不謬。施之當世。合時務。若此者。亦亡幾人。故爵
祿束帛者。天下之底石。高祖所以厲世。摩鈍也。孔子
曰。工欲善其事。必先利其器。至秦則不然。張誹謗之
罔。以爲漢。毆除倒持。泰阿授楚。其柄故誠能勿失。其
柄。天下雖有不順。莫敢觸其鋒。此孝武皇帝所以辟

以爵祿束帛
求士亦梅生

待衰世之意
要之果毅敢
言之夫固無
藉爵賞而後
勸也

利其器器字
與上國之重
器器字相應

以上議論不
醇不可爲法

地建功爲漢世宗也。今不循伯者之道，乃欲以三代
選舉之法，取當世之士，猶察伯樂之圖，求騏驎于市，
而不可得，亦已明矣。故高祖棄陳平之過，而獲其謀。
晉文召天王，齊桓用其讐，亡益于時，不顧逆順。此所
謂伯道者也。一色成體，謂之純；白黑雜合，謂之駁。欲
以承平之法治暴秦之緒，猶以鄉飲酒之禮理軍市，
也。今陛下既不納天下之言，又加戮焉。夫戴音綠鵲音鵲
遭害，則仁鳥增逝；愚者蒙戮，則知士深退。間者，愚民
上疏，多觸不急之法，或下廷尉而死者衆。自陽朔以
來，天下以言爲諱。按陽朔元年，王章下獄死。朝廷尤甚，羣臣皆承

此書本論王
氏至此方見

本意先泛論
而後漸入實

事自是論事
之法况當時

王氏方盛尤
未可以直言

致者

凡親戚之臣

其勢重而心

有所恃勢重

則易以驕有

順上指莫有執正何以明其然也取民所上書陛下
之所善試下之廷尉廷尉必曰非所宜言大不敬以
此卜之一矣故京兆尹王章資質忠直敢面引廷爭
孝元皇帝懼之以厲具臣而矯曲朝具臣具位之臣
無益者也矯正
也及至陛下戮及妻子且惡惡止其身王章非有反
叛之辜而殃及家折直士之節結諫臣之舌羣臣皆
知其非然不敢爭天下以言為戒最國家之大患也
願陛下循高祖之軌杜亡秦之路數御十月之歌畱
意亡逸之戒除不急之法下亡諱之詔博覽兼聽謀
及疏賤令深者不隱遠者不塞所謂辟四門明四目

所特則輕犯法故其為道獨可教誨之富貴之而靳其用

梅福此論可謂不刊之典

按魯三家晉六卿漢曹氏魏司馬氏皆秉權至于再

也。且。不。急。之。法。誹。謗。之。微。者。也。往。者。不。可。返。來。者。猶。可。追。方。今。君。命。犯。而。主。威。奪。謂大臣犯君之命外。戚。之。權。日。以。益。隆。陛。下。不。見。其。形。願。察。其。景。建。始。以。來。日。食。地震。以。率。言。之。三。倍。春。秋。水。災。亡。與。比。數。陰。盛。陽。微。金。鐵。為。飛。此。何。景。也。和。平。三。年。沛。郡。鐵。官。鑄。錢。如。金。飛。上。去。權。臣。用。事。之。象。漢。興。以。來。社。稷。三。危。呂。霍。上。官。皆。母。后。之。家。也。親。親。之。道。全。之。為。右。當。與。之。賢。師。良。傳。教。以。忠。孝。之。道。今。乃。尊。寵。其。位。授。以。魁。柄。使。之。驕。逆。至。于。夷。滅。此。失。親。親。之。大。者。也。自。霍。光。之。賢。不。能。為。子。孫。慮。故。權。臣。易。世。則。危。書。曰。母。若。火。始。庸。庸。周。書。洛。誥。之。辭。庸。庸。微。貌。按。今。書。作。猷。猷。執。陵。

世之後遂以
篡國蓋勢成
而附者衆故
也福之言信
有旨哉

于君權隆于主然後防之亦亡乃已

上遂不納至元始中王莽顯政

福一朝棄妻子去九江至今傳以爲仙其後人有見福于會稽者變名姓爲吳市門卒

真德秀曰王氏用事敢言者惟劉向王章然皆職分

所當言也福遠方一尉耳乃亦昌言之無

所忌至莽顯政又遠逝全身高風峻節以

視谷永張禹輩真螭虬糞壤爾何足道哉

張以思曰大臣不言而小臣言之近臣不言而遠臣

言之危言批鱗忠誠懷至

谷永日食地震對

谷永所陳災異大抵皆歸咎後宮以黨王氏然其文頗得大學遺意按永之教上疏於成帝朝可謂通達而鯁然亦以內附外戚故得為稍二盡言嗟乎魏相于宣帝時得依許氏以發霍禹兄弟擅權之罪而當時王太后與諸

陛下乘至聖之純德。懼天地之戒異。飭身修政。納問公卿。又下明詔。帥舉直言。燕見紬繹。以求咎愆。使臣等得造明朝。承聖問。臣材朽學淺。不通政事。竊聞明王卽位。正五事。建大中。以承天心。五事貌言視聽思也。大中卽皇極也。則庶徵序於下。日月理於上。如人君淫溺後宮。般樂游田。五事失於躬。大中之道不立。則咎徵降而六極至。凡災異之發。各象過失。以類告人。乃十二月朔戊申。日食。嫫女之分。地震。蕭牆之內。二者同日俱發。以丁寧陛下。厥咎不遠。宜厚來諸身。意豈陛下志在閨

舅尚有可擇而陰為之地者惜也永特滄澳阿忍以附王氏故卒徘徊不能有立耳此下分五柱立論甚切時事庶幾哉正心以正朝廷遺意而惜乎非仲舒其人也

門未卹政事。不慎舉錯。婁失中與。內寵太盛。女不遵道。嫉妬專上。妨繼嗣。與古之王者廢五事之中失夫。婦之紀。妻妾得意。謁行於內。執行於外。至覆傾國家。惑亂陰陽。謁請也昔褒姒用國。宗周以喪。閭妻驕扇。日以不減。小雅十月之交篇曰此日而食於何不減又曰閭妻扇方處言厲王內寵熾盛故致災異為不善也。此其效也。經曰皇極。皇建其有極。傳曰皇之不極。是謂不建。時則有日月亂行。陛下踐至尊之祚。為天下主。奉帝王之職。以統羣生。方內之治亂。在陛下所執。誠留意於正身。勉強於力行。損燕私之閒。以勞天下。放去淫溺之樂。罷歸倡優之笑。絕却不享。

之義

享當也言所為不善不當天心也

慎節游田之虞起居有常循

禮而動躬親政事致行無倦安服若性

安心而復行之如天性自

然也經曰繼自今嗣王其毋淫于酒毋逸于游田惟正

之共

惟宜正身恭已

未有身治正而臣下邪者也夫妻之際

王事綱紀安危之機聖王所致慎也昔舜飭正二女

以崇至德楚莊忍絕丹姬以成伯功

莊王用申公巫臣之諫不納夏

姬幽王惑於褒姒周德降亡魯桓脅於齊女社稷以

傾誠修後宮之政明尊卑之序貴者不得嫉妬專寵

以絕驕嫚之端抑褒閭之亂賤者咸得秩進各得厥

職以廣繼嗣之統息白華之怨

小雅白華篇幽王惑於褒姒故國人刺之

按永後疏云建始河平許

班之事傾動
前朝則建始
四年未嘗有
趙昭儀也

母段結束在
末段未有字
與誠字相友
領

後宮親屬饒之以財勿與政事以遠皇父之類損妻
黨之權十月之交詩曰皇父卿士番惟司徒刺厲王淫于色故皇父之屬因嬖寵而為官也未
有閨門治而天下亂者也治遠自近始習善在左右
咎龍筦納言而帝命惟允舜典曰帝曰龍命汝作納言夙夜出納朕命惟允
四輔既備成王靡有過事四輔謂左輔右弼前疑後丞誠敕正左
右齊栗之臣戴金貂之飾執長伯之職者伯長也當使長事者
也皆使學先王之道知君臣之義濟濟謹孚無傲戲
驕恣之過則左右肅艾艾讀曰父又治也羣僚仰法化流四
方經曰亦惟先正克左右周書君牙辭未有左右正而百
官枉者也治天下者尊賢考功則治簡賢違功則亂

誠審思治人之術。歡樂得賢之福。論材選士。必試於
職。明度量以程能。考功實以定德。無用比周之虛譽。
毋聽寢潤之譖愬。則抱功修職之吏。無蔽傷之憂。比
周邪僞之徒。不得卽工。卽就也。工官也。小人日銷。俊艾日隆。
經曰。三載考績。三考黜陟幽明。又曰。九德咸事。俊艾
在官。未有功賞得於前。衆賢布於官。而不治者也。堯
遭洪水之災。天下分絕。爲十二州。制遠之道微。而無
乖畔之難者。德厚恩深。無怨於下也。秦居平土。一夫
大呼。而海內崩析者。刑罰深酷。吏行殘賊也。夫違天
害德。爲上取怨於下。莫甚乎殘賊之吏。誠放退殘賊。

永初上此疏
未敢斥言乎
后宮而外亦
不敢即附于
下氏故其言
所正而無疵

酷暴之吏。銅廢勿用。益選溫良上德之士。以親萬姓。
平刑釋寃。以理民命。務省繇役。毋奪民時。薄收賦稅。
毋殫民財。使天下黎元咸安家樂業。不苦踰時之役。
不患苛暴之政。不疾酷烈之吏。雖有唐堯之大災。民
無離上之心。堯遭洪水經曰。懷保小民。惠于鰥寡。未有德
厚吏良而民畔者也。臣聞災異。皇天所以譴告人君。
過失猶嚴父之明誠。畏懼敬改。則禍銷福降。忽然簡
易。則咎罰不除。經曰。饗用五福。畏用六極。周書洪範
辭饗當也所行當于天心。則降以五福。若傳曰六沴作見若不
所為不善。則以六極畏罰之。共御六罰。既侵六極。其下。
洪範傳沴。災氣也。言敬而修德。以御災。今三

不求之身應
前宜厚求之
身句

年之間。災異鋒起。小大畢具。所行不享上帝。不當上

帝不豫。炳然甚著。不求之身。無所改正。疏舉廣謀。又

不用其言。也疏遠是循不享之迹。無謝過之實也。天責

愈深。此五者王事之綱紀。南面之急務。惟陛下弱神。

書奏天子異焉特召見永

陳仁子曰。此對谷永告君之初說也。成帝自為太子。

以好色聞。永因日食地震歷指後宮嬖寵。

燕溺之私。未嘗不切中其病。是時雖無詆。

王氏之詞。亦無黨王氏之跡。猶有可觀。至。

次年四月。則直以身自託矣。噫。永亦儒也。

而借言語以文好如此真小人儒矣

張以忠曰緊切深密絕無浮蔓而鍊格尤嚴

又曰兩言及繼嗣語足警動



上救陳湯疏

陳湯自訟云

臣與吏士共

誅郅支單于

幸得禽威萬

里振旅宜有

使者迎勞道

路今司隸反

逆收繫按驗

是爲郅支報

踵言也

劉向疏云五

重取云三重

疑五重者誤

氣壯語壯

臣聞楚有子玉得臣。文公爲之側席而坐。趙有廉頗。馬服。彊秦不敢窺兵。井陘近漢。有郅都。魏尚。匈奴不敢南鄉。沙幕繇是言之。戰克之。將國之。爪牙不可不重也。蓋君子聞鼓鼙之聲。則思將率之。臣竊見關內候陳湯前使副西域都護。忿郅支之無道。閔王誅之。不加策慮。偏億義勇。奮發卒興。師奔逝橫。厲烏孫。踰集都賴。屠三重城。斬郅支首。報十年之逋誅。雪邊吏之宿耻。威震百蠻。武暢四海。漢元以來。征伐方外之將。未嘗有也。今湯坐言事非。是幽囚久繫。歷時不決。

人世不平之事自古有之

簡白起以訟湯冤

犬馬之喻于道理上說得

十分痛切自足動人

結調甚高

執憲之吏欲致之大辟昔白起爲秦將南拔郢都北
阬趙括以纖介之過賜死杜郵秦民憐之莫不隕涕
今湯親秉鉞席卷喋血萬里之外薦功祖廟告類上
帝介冑之士靡不慕義以言事爲罪無赫赫之惡周
書日記人之功忘人之過宜爲君者也夫犬馬有勞
于人尚加帷蓋之報况國之功臣者哉竊恐陛下忽
于鼓鼙之聲不察周書之意而忘帷蓋之施庸臣遇
湯卒從吏議使百姓介然有秦民之恨非所以厲死
難之臣也

朴希元曰稱湯之功與訟湯之冤處剴切敷暢使人

讀之心開目明

柯維騏曰頌湯之功極力描寫至報逋誅雪宿恥數

句尤甚張皇

張以忠曰簡勁奇爽筆力絕高

古今文編

卷六

五

此篇首叙左道蠱惑之幻術次叙歷代偏信之禍害反覆攻刺崇正開邪務引君于當道不特文章之工也

論神恠

臣聞明于天地之性不可惑以神恠知萬物之情不可罔以非類諸背仁義之正道不遵五經之法言而盛稱奇恠鬼神廣崇祭祀之方求報無福之祠及言世有僊人服食不終之藥遙興輕舉也遙古遥字興起也謂起而遠去登遐倒景在日月之上反從下照故其景倒覽觀縣圃浮游蓬萊崑崙九成上有縣圃縣圃之上即閼風門耕耘五德朝種暮穫翼氏風東方甲乙南方丙西庚非方壬中與山石無極長壽比于山黃冶變化黃者鑄黃金也道家言治丹沙令變化可鑄作黃金堅冰淖石無窮溺方士詐以藥石若陷水充投之水即淖濡甚也化色五消液因假為神仙道使然也淖濡甚也

以為神仙永獨以奸人目

之永復云毋令奸人有以

窺朝者深斥邪說最有卓

見

懷其言數句曲盡奸欺之

狀

諸侯愈叛句身辱國危何

天下怨恨句

皆合刺寓託藉以恐惕孝

成者

倉之術者

李奇曰身中有五色腹中有五倉神五色存則不死五倉存則不饑

皆姦人

惑眾挾左道懷詐偽以欺罔世主

左道邪僻之道

聽其言洋

洋滿耳若將可遇求之盪盪如繫風捕影終不可得

是以明王距而不聽聖人絕而不語昔周史萇弘欲

以鬼神之術輔尊靈王會朝諸侯而周室愈微諸侯

愈叛楚懷王隆祭祀事鬼神欲以獲福助卻秦師而

兵剄地削身辱國危秦始皇初併天下甘心于神仙

之道遣徐福韓終之屬多齎童男童女入海求神采

藥因逃不還天下怨恨漢興新垣平齊人少翁公孫

卿樂大等皆以僊人黃冶祭祠事鬼使物入海求神

武刻意求
仙至以愛女
妻術士顛倒
之極末年乃
悟曰世豈有
仙哉節食服
藥差可少病
耳此論却甚
確

距絕二字照
上距而不聽
絕而不語句
奸人二字照
上奸人惑衆
句最是開緊

采藥貴幸賞賜累千金大尤尊盛至妻公主爵位重
索震動海內元鼎元封之際燕齊之間方士瞋目扼
擊音晚言有神仙祭祀致福之術者以萬數其後平等
皆以術窮詐得誅夷伏辜至初元中有天淵玉女鉅
鹿神人轅陽侯師張宗之姦紛紛復起轅陽侯元帝時使家丞上
印綬印綬隨宗夫周秦之末三五之隆已嘗專意散財厚
爵祿竦精神舉天下以求之矣曠日經年靡有毫釐
之驗足以揆今經曰享多儀儀不及物惟曰不享
論語說日子不語怪神唯陛下距絕此類毋令姦人
有以窺朝者上善其言

真德秀曰谷永發端數語可謂知道之格言故列于此以永之學術議論倘能一心帝室而不私黨王氏雖劉向不及大節旣虧他美巢贖惜哉

張以忠曰論莊語切文極蒼鍊

實直之文

王公仲匡政

一疏憂在郡

縣目食一疏

憂在帑藏封

還詔書一疏

憂在土宇

累世尊車三

句一篇最重

自今之郡守
至此歷舉郡

王嘉擇賢疏

臣聞聖王之功在於得人。孔子曰。材難。不其然乎。故

繼世立諸侯象賢也。象其先父祖之賢耳。非必其人皆有德也。雖不能盡

賢。天子為擇臣立命卿以輔之。命卿命於天子者也。居是國也

累世尊重。然後士民之眾附焉。是以教化行而治功

立。今之郡守重於古諸侯。往者致選賢材。賢材難得。

拔擢可用者。或起於囚徒。昔魏尚坐事繫。文帝感焉。

唐之言遣使持節赦其辜。拜為雲中太守。匈奴忌之。

武帝擢韓安國於徒中。拜為梁內史。骨肉以安。張敞

為京兆尹。有罪當免。黜吏知而犯敞。敞收殺之。其家

守之尊重而
成功者以足
累世尊重三
句意
綴結分明

切中今病

自。寃。使。者。覆。獄。劾。敝。賊。殺。人。上。逮。捕。不。下。會。免。亡。命。
數。十。日。宣。帝。徵。敝。拜。爲。冀。州。刺。史。卒。獲。其。用。前。世。非。
私。此。三。人。貪。其。材。器。有。益。於。公。家。也。孝。文。時。吏。居。官。
者。或。長。子。孫。以。官。爲。氏。倉。氏。庫。氏。則。倉。庫。吏。之。後。也。
其。二。千。石。長。吏。亦。安。官。樂。職。然。後。上。下。相。望。莫。有。苟。
且。之。意。其。後。稍。稍。變。易。公。卿。以。下。傳。相。促。急。又。數。改。
更。政。事。司。隸。部。刺。史。察。過。悉。劾。發。揚。陰。私。吏。或。居。官。
數。月。而。退。送。故。迎。新。交。錯。道。路。中。材。苟。容。求。全。下。材。
懷。危。內。顧。壹。切。營。私。者。多。二。千。石。益。輕。賤。吏。民。慢。易。
持。其。微。過。增。加。成。臯。言。於。刺。史。司。隸。或。至。上。書。

自其後稍稍
變更至此言
郡守不見尊
重以啓吏民
之慢正與累
世尊重三句
相反

章下依其所上之章衆庶知其易危小失意則有離

畔之心前山陽亡徒蘇令等從橫吏士臨難莫肯仗

節死義以守相威權素奪也守郡守也相諸侯相也素奪謂先不假之威權

也孝成皇帝悔之下詔書二千石不爲縱二千石不以故縱爲

罪所以遣使者賜金尉厚其意誠以爲國家有急取

辦於二千石二千石尊重難危乃能使下孝宣皇帝

愛其良民吏吏善治百姓者有章劾事留中會赦壹解不卽下治

其事恐爲擾動故每留中故事尚書希下章爲煩擾

百姓證驗繫治或死獄中章文必有敢告之字廼下

所以丁寧告者之辭絕其相誣也惟陛下留神於擇賢記善忘過容

無可使者有
材能者甚少
俱應前才難
二字

忍臣子。勿責以備。二千石部刺史三輔縣令。有材任
職者。人情不能不有。過差宜可闕略。令盡力者有所
勸。此方今急務。國家之利也。前蘇令發。欲遣大夫使
逐問狀。時見大夫無可使者。召盤屋令尹逢。拜爲諫
大夫。遣之。今諸大夫有材能者甚少。宜豫畜養。可成
就者。則士赴難不愛其死。臨事倉卒。乃求非所以明
朝廷也。

樓 昉曰。論事深切。達於世變。西漢末文字。惟梅福

王嘉書最好。亦可以見漢家故事。

張以忠曰。世知庸儒之輩。值國家有事。輒袖手躊躇。

不知此卽平時所號爲醇謹士也偉人傑
士時或不免冒紀法干清議而國事則往
往倚賴之故魏尚諸人正昔人所謂治世
之能臣也苟拘文牽法錄其過而棄其材
則臨事緩急曷克有濟乎公仲感激時事
惓惓以得人爲急真救時賢宰相也

又曰通篇照應全在才難兩字

古今文系

卷六

三

師冊爲上皇之上明義

移董宏冷廢
逢君之惡有
司不敢異議
而冊議獨云
則當時時事
可知而冊之
思鯁自見

冊議侃侃然
砥柱中流可
謂獨立不懼
者

師冊爲共皇立廟議

聖王制禮取法于天地。故尊卑之禮明。則人倫之序正。人倫之序正。則乾坤得其位。而陰陽順其節。人主與萬民俱蒙福祐。尊卑者。所以正天地之位。不可亂也。今定陶共皇太后共皇后。以定共爲號者。母從子。妻從夫之義也。欲立官置吏。車服與太皇太后並。非所以明尊卑亡二上之義也。定陶共皇號諡已前定。義不得復改。禮父爲士。子爲天子。祭以天子。其尸服以士。服子亡。爵父之義。尊父母也。爲人後者。爲之子。故爲所後服斬衰三年。而降其父母。替明尊本祖而

冊由是浸不
谷上意

重○正○統○也○孝○成○皇○帝○聖○恩○深○遠○故○爲○共○王○立○後○奉○承○
祭○祀○今○共○皇○長○爲○一○國○太○祖○萬○世○不○毀○恩○義○已○備○陛○
下○既○繼○體○先○帝○持○重○太○宗○承○宗○廟○天○地○社○稷○之○祀○義○
不○得○復○奉○定○陶○共○皇○祭○入○其○廟○今○欲○立○廟○于○京○師○而○
使○臣○下○祭○之○是○無○主○也○又○親○盡○當○毀○空○去○一○國○太○祖○
不○墮○之○祀○而○就○無○主○當○毀○不○正○之○禮○非○所○以○尊○厚○共○
皇○也○

真德秀曰丹持議甚得禮經本旨治平濮議之所據
也其曰爲人後者爲之子本儀禮云

張以忠曰獨持正論理確詞嚴

李尋災異對

李尋金石之筆漢家有數文字

李尋災異之

對歷歷指証

似精于緯數

者然此時王

莽方罷大司

馬就繁凡兩

月而尋不知

微應在此何

耶其後以漢

家中微言之

無驗下吏減

死一等徒敦

煌郡以災異

進身者以災

陛下聖德尊天敬地畏命重民悼懼變異不忘疏賤

之臣幸使重臣臨問愚臣不足以奉明詔竊見陛下

新卽位開大明除忌諱博延名士靡不竝進臣尋位

卑術淺過隨衆賢待詔過猶謬也食大官衣御府久汙玉

堂之署玉堂殿在未央宮比得召見亡以自效復特見延問

至誠自以逢不世出之命願竭愚心不敢有所避庶

幾萬分有一可采唯棄須臾之間宿留瞽言閒謂空隙之時

也考之文理稽之五經揆之聖意以參天心夫變異

之來各應象而至臣謹條陳所聞易曰縣象著明莫

異喪身獨奈何哉

此一段即日之變應在人君勸帝執乾剛之德
日出後
日中入以
日視主

大乎日月。夫日者衆陽之長。輝光所燭。萬里同晷。景
 也。人君之表也。故日將旦。清風發。羣陰伏。君以臨朝。
 不牽于色。日初出。炎以陽。君登朝。佞不行。忠直進。不
 蔽障。日中。輝光。君德盛明。大臣奉公。日將入。專以壹
 君就房。有常節。君不修道。則日失其度。晻昧亡光。各
 有云爲。其于東方作。日初出時。作起也。日出之時。人物皆起。陰雲
 邪氣起者。法爲牽于女謁。有所畏難。日出後爲近臣
 亂政。日中爲大臣欺誣。日且入爲妻妾役使。所營。營謂
 也。繞間者。日尤不精。光明侵奪失色。邪氣珥現。數作本
 起于晨相連至昏。其日出後至日中間。差瘡小臣不

必有暗指

此即谷永後
宮之對

傳曰男教不

修陽事不得

則日為之食

哀帝之不男

也甚矣

論月

按此段即月

之變應自母

后勸帝親求

賢主

知○內○事○竊○以○日○視○陛○下○志○操○衰○于○始○初○多○矣○其○咎○恐○

有○以○守○正○直○言○而○得○罪○者○傷○嗣○害○世○不○可○不○慎○也○唯○

陛○下○執○乾○剛○之○德○彊○志○守○度○毋○聽○女○謁○邪○臣○之○態○諸○

保○阿○乳○母○甘○言○悲○辭○之○託○斷○而○勿○聽○勉○彊○大○誼○絕○小○

不○忍○良○有○不○得○已○可○賜○以○貨○財○不○可○私○以○官○位○誠○皇○

天○之○禁○也○日○失○其○光○則○星○辰○放○流○日夜食則失光晝立六尺木不見其

景也日陽失光陽○不○能○制○陰○陰○桀○得○作○問○者○太○白○正○

畫○經○天○宜○隆○德○克○躬○以○執○百○軌○臣○聞○月○者○衆○陰○之○長○

銷○息○見○伏○百○里○為○品○千○里○立○表○萬○里○連○紀○品同也言百里內數

度同也千里則雷立表度其景萬里則繼其本所起紀其宿度也妃○后○大○臣○諸○侯○之○

象也。朔晦正終始。弦爲繩墨。望成君德。春夏南秋冬

北。間者月數以春夏與日同道。

房有四星其間有三道春夏南行南頭第一

一星裏道也秋冬北行北頭第一星裏道也與日同道者謂中央道也此三道者日月五星之所由也。

過軒轅上后受氣。

孟康曰軒轅南大星爲后

入太微帝廷。揚光輝。

犯上將近。臣列星皆失色。厭厭如滅。

厭音烏點反

此爲母

后與政亂。朝陰陽俱傷。兩不相便。外臣不知朝事。竊

信天文。卽如此近。臣已不足杖矣。

杖謂倚任也

屋大柱小

可爲寒心。

言天下事重大臣之任當得賢能者

惟陛下親求賢士。無彊

所惡。以崇社稷尊彊本朝。

邪佞之人誠可賤惡勿得寵異令其盛彊也

臣

聞五星者五行之精。五帝司命。應王者號令。爲之節。

此段卽五星之變應在兵

大足寒心

寇內亂勸帝
宜察肅牆之

禍

度歲星主歲事為統首號令所紀今失度而盛此君

指意欲有所為未得其節也又填星不避歲星者后

帝共政相畱于奎婁歲星為帝填星為女主也當以義斷之熒惑

往來亡常周歷兩宮作態低昂兩宮謂紫微太微入天門上

明堂貫尾亂宮孟康曰角兩星為天門房為明堂尾為後宮蘇林曰常占當從尾北而今

貫之尾為後宮之象也太白發越犯庫張晏曰發越疾貌也庫天庫也孟康曰奎為天

庫兵寇之應也貫黃龍入帝庭黃龍軒轅也當門而出隨

熒惑入天門至房而分欲與熒惑為患不敢當明堂

之精此陛下神靈故禍亂不成也熒惑厥弛厥弛動搖貌

佞巧依執微言毀譽進類蔽善進其黨類而拂蔽善人太白出

端門

端門太微正南門

臣有不臣者火入室金上堂

張晏曰熒惑入

熒室也孟康曰火入室謂熒惑歷兩宮也金謂太白也上堂入房星也

不以時解其憂

凶填歲相守又生內亂宜察蕭牆之內毋忽親疏之

微

微謂其誅放佞人

防絕萌芽以盪滌濁滅消散積

惡毋使得成禍亂辰星主正四時當效于四仲四時

失序則辰星作異今出于歲首之孟天所以譴告陛

下也政急則出蚤政緩則出晚政絕不行則伏不見

而為彗茀

茀與彗同

四孟皆出為易王命四季皆出星家

所諱今幸獨出寅孟之月蓋皇天所以篤右陛下也

宜深自改治國故不可以威威欲速則不達經曰三

按此又歸在順時上

此即魏相月
令明堂之對

載考績。二考黜陟。加以號令。不順四時。既往不來。來
事之師也。間者春三月治大獄。時賊陰立逆。恐歲小
收。季夏舉兵法。時寒氣應。恐後有霜雹之災。秋月行
封爵。其月土溼。與與音郁。此言遠。于月令也。與溫也。恐後有雷雹之
變。夫以喜怒賞罰。而不顧時禁。雖有堯舜之心。猶不
能致和善言天者。必有效于人。設上農夫而欲冬田
肉袒深耕。汗出種之。然猶不生者。非人心不至。天時
不得也。易曰。時止則止。時行則行。動靜不失其時。其
道光明。書曰。敬授民時。故古之王者尊天地。重陰陽。
敬四時。嚴月令。順之以善政。則和氣可立致。猶枹鼓。

之相應也音抱擊鼓之椎也今朝廷忽于時月之令諸

侍中尚書近臣宜皆令通知月令之意設羣下請事

若陛下出令有謬于時者當知爭之以順時氣臣聞

五行以水為本其星玄武發女須女也北方天地所紀終始所生

之統陰陽之終始也水為準平王道公正修明則

百川理落脉通絡也偏黨失綱則踊溢為敗書云

水曰潤下陰動而卑不失其道天下有道則河出圖

洛出書故河洛決溢所為最大今汝潁畎澮小流也皆川水

漂踊與雨水竝為民害尺曰畎廣二尋深二仞謂之

澮澮者水貫此詩所謂燁燁震電不寧不令百川沸

親大臣

論水溢

援河水之溢

以諷外戚得

進言旨

此段即地震

應朝無奇策

固守之臣勸

苦抑外親以

舉賢才

論地震

與王根論災
異全是此意

騰者也。其咎在于皇甫卿士之屬。皇甫卿士周室女寵之族也。唯陛下留意詩人之言。少抑外親大臣。臣聞地道柔靜。陰之常義也。地有上中下。其上位震應妃后不順中位。應大臣作亂。下位應庶民離畔。震或于其國。國君之咎也。四方中央連國歷州俱動者。其異最大。聞者關東地數震。五星作異。亦未大逆。宜務崇陽抑陰。以救其咎。固志建威。閉絕私路。拔進英雋。退不任職。以彊本朝。夫本彊則精神折衝。本弱則招殃致凶。為邪謀所陵。聞往者淮南王作謀之時。其所難者獨有汲黯。以為公孫弘等不足言也。弘漢之明相。于今亡比。

若經宋人手
三語必衍干
言

而尚見輕何况亡弘之屬乎故朝廷毋人則爲賊亂
所輕其道自然也天下未聞陛下奇策固守之臣也
語曰何以知朝廷之衰人人自賢不務于通人故世
陵夷通人謂薦達賢材也陵夷謂積替也馬不伏歷不可以趨道士不
素養不可以重國詩曰濟濟多士文王以寧孔子曰
十室之邑必有忠信非虛言也陛下秉四海之衆曾
亡柱幹之固守聞于四境殆開之不廣取之不明勸
之不篤傳曰土之美者善養禾君之明者善養士中
人皆可使爲君子詔書進賢良赦小過無求備以博
聚英雋如近世貢禹以言事忠切蒙尊榮當此之時

為人主為人
臣豈可不日
讀數遍

行能無異不
通一藝博士
無文雅者皆
就南畝廟堂
之上恐虛無
人耶分文折
字煩言碎詞
保殘守缺挾
恐見破學校
如此仕宦可

士厲身立名者多禹死之後日日以衰及京兆尹王
章坐言事誅滅智者結舌邪偽竝興外戚顧命君臣
隔塞至絕繼嗣女宮作亂謂趙飛燕姊妹也此行事之敗誠
可畏而悲也本在積任母后之家非一日之漸往者
不可及來者猶可追也先帝大聖深見天意昭然使
陛下奉承天統欲矯正之也宜少抑外親選練左右
舉有德行道術通明之士充備天官然後可以輔聖
德保帝位承大宗下至郎吏從官行能亡以異又不
通一藝及博士無文雅者宜皆使就南畝以視天下
明朝廷皆賢材君子于以重朝尊君滅凶致安此其

知漢猶爾也

後則何如

此本字應上

本強則精神

折衝句

本也臣自知所言害身不辟死亡之誅唯財畱神反

覆愚臣之言

謂裁量而
反思之

茅

坤曰尋所指陳日月五星及河溢之災處可謂

明天人之際者其數請抑外戚去邪佞而

進忠賢以尊本朝似也已而賀良等以言

災異欲退丞相御史以進李尋解光因之

朝議洶洶卒以蒙禍豈其學溺于術數而

不能達于道者乎

張以忠曰高鍊勁爽精醒奇拔非識叅天人之際者

無此深微之論

賈讓論治河奏

讓之談河尋之談天漢文

未易屈指

王莽時治河

者關竝欲定

平原諸郡張

戎欲正西方

諸郡不引水

溉田韓牧欲

穿九河四五

為有益王橫

欲開空使綠

西山乘高地

東北入海皆

賈讓徙曠地

治渤海之遺

策也

治河有上中下策古者立國居民疆理土地必遺川

澤之分度水執所不及遺畱也度計也言川澤水所

為居邑而妄墾殖必計水所不及然後大川無防小

水得入陂障卑下以為汗澤停水曰汗使秋水多得有所

休息左右流波寬緩而不迫夫土之有川猶人之有

口也治土而防其川猶止兒啼而塞其口豈不遽止

然其死可立而待也故曰善為川者決之使道道讀曰導

導通引也善為民者宣之使言蓋隄防之作近起戰國雍

防百川各以自利雍讀曰壅齊與趙魏以河為竟趙魏瀕

李壽疏水為準平偏黨失

綱則涌溢為敗

山齊地卑下

瀕山猶言以山為邊界也瀕音頻

作隄去河二十五里

河水東抵齊隄則西泛趙魏趙魏亦為隄去河二十

五里雖非其正水尚有所游盪時至而去則填淤肥

美民耕田之或久無害稍築室宅遂成聚落大水時

至漂沒則更起隄防以自救稍去其城郭排水澤而

居之湛溺自其宜也

湛讀日沈

今隄防陜者去水數百步

遠者數里近黎陽南故大金隄從河西西北行至西

山南頭乃折東與東山相屬

屬連及也

民居金隄東為廬

舍住十餘歲更起隄從東山南頭直南與故大隄會

又內黃界中有澤方數十里環之有隄

環繞也

住十餘

失古入立國
居民之意所
以後來便不
免沈溺

徙冀州民一
議非大漢物
力不能惜乎
哀也非其君

歲太守以賦民以隄中之地給與民民今起廬舍其中此臣親
所見者也東郡白馬故大隄亦復數重民皆居其間
從黎陽北盡魏界故大隄去河遠者數十里內亦數
重此皆前世所排也河從河內北至黎陽爲石隄激
使東抵東郡平剛激者聚石于隄旁衝要之處所以激去其水也激二音歷反又
爲石隄使西北抵黎陽觀下觀縣名也又爲石隄使東北
抵東郡津北又爲石隄使西北抵魏郡昭陽又爲石
隄激使東北百餘里間河再西三東迫阨如此不得
安息今行上策徙冀州之民當水衝者決黎陽遮害
亭放河使北入海河西薄大山東薄金隄勢不能遠

泛濫。暮月。自定。難者。將曰。若如此。敗壞城郭。田廬冢
墓。以萬數。百姓怨恨。昔大禹治水。山陵當路者。毀之。
故鑿龍門。辟伊闕。辟讀曰闕析底柱。破碣石。墮斷天地之
性。墮毀也此乃人功。所造何足言也。今瀕河十郡。治隄
歲費。且萬萬。及其大決。所殘無數。如出數年。治河之
費。以業所徙之民。遵古聖之法。定山川之位。使神人
各處其所。而不相奸。奸音干且以大漢方制。萬里豈其
與水爭咫尺之地哉。此功一立。河定民安。千載無患。
故謂之上策。若乃多穿漕渠于冀州地。使民得以溉
田。分殺水怒。雖非聖人法。然亦救敗術也。難者將曰。

禹治水之後
無水患者七
百七十餘年
此無他河之
流分而其勢
自平也周定
王時河徙殺
礫始敗其故
道九河之迹
漸致堙塞至

河水高于平地。歲增隄防。猶尚決溢。不可以開渠。臣
竊按視遮害亭西十八里至淇水口。乃有金隄。高一
丈。自是東地稍下。隄稍高。至遮害亭高四五丈。往五
六歲。河水大盛。增丈七尺。壞黎陽南郭門。入至隄下。
謂水從郭南門入。北出門而至隄也。水未踰隄二尺所。從隄上北望河。
高出民屋。百姓皆走上山水。畱十三日。隄潰二所。吏
民塞之。臣循隄上行。視水勢。南七十餘里至淇口。水
適至隄半。計出地上五尺所。今可從淇口以東爲石
隄。多張水門。初元中。遮害亭下河去隄足數十步。至
今四十餘歲。適至隄足。繇是言之。其地堅矣。恐議者

漢文決酸寒

潰金堤孝武

決瓠子東西

注鉅野通于

淮泗汎郡十

六害及梁楚

此無他河之

流不分而其

勢益橫也遠

乎宣房之築

道河北行二

渠復禹舊跡

其後又流為

屯氏諸河且

入于千乘間

德棣之河復

播為八而八

十年又無水

患矣及成帝

時屯氏河塞

疑河大川難禁制榮陽漕渠足以卜之

今礫溪口是也言作水門

通水流不為害也師古曰礫谿谿其水門但用木與

各卿水經所云沛水東過礫谿者

土耳今據堅地作石隄執必完安冀州渠首盡當叩

叩音牛向反

但為東方一隄北行

此水門治渠非穿地也

三百餘里入漳水中其西因山足高地諸渠皆往往

股引取之旱則開東方下水門既冀州水則開西方

高門分河流通渠有三利不通有三害民常罷于救

此一害也

水半失作業水行地上湊潤上徹民則病

涇氣木皆立枯鹵不生穀

此二害

决溢有敗為魚鼈食

此三害也若有渠溉則鹽鹵下隰填淤加肥

此一利故

又決于館陶及東郡金隄泛濫兗豫及入平原千乘也濟南凡隄四郡三十有二縣則河之分不分利害昭然可觀也成帝河平元年王延世隄防三旬立塞其以年為河平正得下策

種禾麥更為杭稻高田五倍下田十倍此二利也杭為稻之不粘轉漕舟船之便此三利也今瀕河隄吏卒郡數千人伐買薪石之費歲數千萬足以通渠成水門又民利其溉灌相率治渠雖勞不罷罷讀曰疲民田適治河隄亦成此誠富國安民興利除害支數百歲故謂之中策若乃繕完故隄增卑倍薄勞費無已數逢其害此最下策也

洪邁曰賈讓治河策凡五用石隄字而不為冗複

非後人筆墨畦徑所能到也

李塗曰賈誼政事書是論天下事有間架底賈讓

古今文編 卷六
河渠書是論一事有間架底

林稚隆曰賈讓欲內徙民居以爲曠地北放大河以
入渤海將建千載之業不較咫尺之地施
之于漢誠爲上策文字與趙充國屯田議
相類

張以忠曰水勢利害洞然胸中故議論根據反覆詳
悉俱鑿鑿可行此治河第一名議

楊雄諫不受單于朝書

楊子雲好奇字其文有典

引解朝劇秦

三篇皆用聲

牙語獨此書

平正而疏爽

雖推之賈晁

中不亞也

漢與匈奴從

此隙一句是

綱以下總明

所以致隙之

故是日

高帝何如人

高后時大臣

何如人虜不

可忽如此

臣聞六經之治。費於未亂。兵家之勝。貴于未戰。二者

皆微。然而大事之本。不可不察也。微精妙也今單于上書

求朝。國家不許而辭之。臣愚以爲漢與匈奴從此隙

矣。本北地之狄。五帝所不能臣。三王所不能制。其不

可使隙甚明。臣不敢遠稱。請引秦以來明之。以秦始

皇之彊。蒙恬之威。帶甲四十餘萬。然不敢窺西河。廼

築長城以界之。會漢初興。以高祖之威。靈三十萬衆

困于平城。士或七日不食。時奇譎之士。石畫之臣。甚

衆。石言堅固如石也。畫計策也。卒其所以脫者。世莫得而言也。莫得

而言謂自免之計又高皇后嘗忿匈奴羣臣庭議樊

噲請以十萬衆橫行匈奴中季布曰噲可斬也妄阿

順指於是大臣權書遺之然後匈奴之結解中國之

憂平及孝文時匈奴侵暴北邊候騎至雍甘泉京師

大駭發三將軍屯細柳棘門霸上以備之數月廼罷

孝武卽位設馬邑之權欲誘匈奴使韓安國將三十

萬衆徼于便墜徼要也墜古地字匈奴覺之而去徒費財勞

師一虜不可得見况單于之面乎其後深惟社稷之

計規恢萬載之策恢大也廼大興師數十萬使衛青霍

去病操兵前後十餘年于是浮西河絕大幕破寘顏

敘述中時帶風神覺文字聳特可喜

秦漢以來匈奴強弱叛服

之變揚雄一

書括其大概

矣第其所謂

單于歸義乃

上世遺策則
內夏外夷古
今大義知必
欲屈體醜類
皆稽顙來朝
而後為遺後
之策是乃秦
皇漢武夸大
喜功之私心
非常王大中
至正之道也

襲王庭窮極其地追奔逐北封狼居胥山禪于姑衍
以臨翰海虜名王貴人以百數自是之後匈奴震怖
益求和親然而未肯稱臣也且夫前世豈樂傾無量
之費役無罪之人快心于狼望之北哉狼望匈奴以
中地名
為不一勞者不久佚不暫費者不永寧是以忍百萬
之師以摧餓虎之喙運府庫之財填廬山之壑而不
悔也匈奴也廬山
匈奴中山至本始之初匈奴有桀心欲掠烏
孫侵公主廼發五將之師十五萬騎獵其南而長羅
侯以烏孫五萬騎震其西皆至質而還質信也謂
所期處時
鮮有所獲徒奮揚威武明漢兵若風雷耳雖空行空

以空行而亡將

兩條戰守之計總上

句二流走句三爽亮

反尚誅兩將軍故北狄不服中國未得高枕安寢也
 逮至元康神爵之間大化神明鴻恩溥洽而匈奴內
 亂五單于爭立日逐呼韓邪攜國歸死扶伏稱臣然
 尚羈縻之計不顯制顓制謂以爲臣妾也自此之後欲朝者不
 距不欲者不彊何者外國天性忿驚形容魁健負力
 怙氣難化以善易隸以惡隸附屬也惡威也其彊難誦其和
 難得故未服之時勞師遠攻傾國殫貨伏尸流血破
 堅拔敵如彼之難也既服之後慰薦撫循交接賂遺
 威儀俯仰如此之備也往時嘗屠大宛之城蹈烏桓
 之壘探姑繒之壁姑繒謂西南種也藉蕩姐之場藉猶蹈也蕩姐羌屬

借南夷以形
甘虜之難制

艾朝鮮之旃拔兩越之旗艾刈絕也近不過旬月之役遠

不離二時之勞離歷也三固已犁其庭掃其閭犁耕也

郡縣而置之雲徹席卷後無餘蓄惟北狄為不然真

中國之堅敵也三垂比之懸矣前世重之茲甚未易

可輕也今單于歸義懷款誠之心欲離其庭陳見于

前此廼上世之遺策神靈之所想望國家雖費不得

已者也奈何距以來厭之辭疏以無日之期消往昔

之恩開將來之隙夫款而隙之使有恨心負前言緣

往辭歸怨于漢言單于緣往昔和好之辭以怨漢因以自絕終無北

面之心威之不可諭之不能焉得不為太憂乎夫明

奈何以下正
漢與匈奴從
此有隙處

夫明者一轉
總收一篇意
而應之

形容所以旁
制匈奴者更
不忍自破壞
矣
末句與首句
相換應

者視于無形。聰者聽于無聲。誠先于未然。即蒙恬焚
噲不復施。棘門細柳不復備。馬邑之策。安所設。衛霍
之功。何得用。五將之威。安所震。不然。一有隙之後。雖
智者勞心于內。辯者戰擊于外。戰擊言使車交馳其轂相擊也猶不
若未然之時也。且往者圖西域。制車師。置城郭。都護
三十六國。費歲以大萬計者。豈為康居烏孫能踰白
龍堆而寇西邊哉。廼以制匈奴也。夫百年勞之一日
失之。費十而愛一。臣竊為國不安也。惟陛下少留于
未亂。未戰。以遏邊萌之禍。

陳仁子曰。甚哉處夷狄之難也。漢哀帝建平四年。單

于請朝不受之則失其心受之則費其財
是故公卿所言與雄不同姑以宣帝甘露
之賜觀之金珠車馬之費勿論也當是時
錦繡綺縠雜帛止八千匹至建平則加至
三萬匹絮止八千斤至建平則加至三萬
斤又加賜衣三百襲哀帝之事力不如軍
帝費則四倍于宣帝雖獲柔遠之虛名深
費國家之實力酌而處之既不卻其朝又
從裁其賜楊雄似欠一言而漢庭公卿亦
無以處此吾故曰區處之難

張以忠曰此文有頓宕之奇無轉折之迹有關照之妙無組練之工結撰精嚴氣力偉傑真大

手筆

又曰呼吸旋轉處俱以神行

解嘲

中間文意凡
四轉說出人
才遇世升落
之端曲折詳
盡

此又是一樣
文字體格其
實寓訛時之
意而陽咏嘆
之進學解送
旁文皆出于

哀帝時。丁傳董賢用事。定陶丁姬哀帝母也。兄明為大司馬。孝哀傳皇后哀帝即位。封后父晏。為孔鄉侯。諸附離之者。起家至二千石。時雄方草創。太玄有以自守。泊如也。人有嘲雄以玄之尚白。而雄解之。號曰解嘲。其辭曰。客嘲楊子曰。吾聞上世之士。人綱人紀。不生則已。生則上尊人君。下榮父母。析人之珪。僭人之爵。懷人之符。分人之祿。紆青拖紫。朱丹其轂。今吾子幸得遭明盛之世。處不諱之朝。與羣賢同行。歷金門。上玉堂。有日矣。待詔在金馬門。又黃門有大玉堂。小玉堂曾不能畫一奇。出一策。上說人主。下談公卿。目如耀

此

曾不能三字

直管到論者

莫當止且如

耀星狀出得

意人之態不

離戰國風聲

氣習

此應上朱丹

其穀意以下

叙戰國之分

離以起大漢

矯翌厲翮二

句言來去如

鳥之飛各任

所息也喻甚

星。舌。如。電。光。一。從。一。橫。論。者。莫。當。顧。默。而。作。太。玄。五。

千。文。枝。葉。扶。疎。獨。說。四。十。餘。萬。言。以樹喻文也說文

深。者。入。黃。泉。高。者。出。蒼。天。大。者。含。元。氣。細。者。入。無。間。

然。而。位。不。過。侍。郎。擢。纔。給。事。黃。門。意。者。玄。得。無。尚。白。

乎。何。為。官。之。拓。落。也。楊。子。笑。而。應。之。曰。客。徒。欲。朱。丹。

吾。穀。不。知。一。跌。將。赤。吾。之。族。也。往。昔。周。網。解。結。羣。鹿。

爭。逸。鹿喻在離。為。十。二。合。為。六。七。四。分。五。剖。並。為。戰。

國。士。無。常。君。國。無。定。臣。得。士。者。富。失。士。者。貧。矯。翼。厲。

翮。恣。意。所。存。故。士。或。自。盛。以。橐。或。擊。坏。以。遁。是。故。鄒。

衍。以。頡。頡。而。取。世。資。世人資孟。軻。雖。連。蹇。而。為。萬。乘。

以爲師

婉切

韻頤上下不定之意下得奇巧

一候一尉言太平而邊防寡也

今大漢以下正與上四分五割相反徽以糾墨四句一言刑罰一言教化看他下個徽字制字散字風字何等奇活

師。今大漢左東海。右渠搜。前番禺。後椒塗。東南一尉。西北一候。徽以糾墨。制以鑽鐵。散以禮樂。風以詩書。曠以歲月。結以倚廬。倚廬喪禮漢律不行三年喪者不得選舉是以倚廬結其心也天下之士雷動雲合。魚鱗雜襲。咸營于八區。家家自以爲稷契。人人自以爲臯陶。戴縱垂纓而談者。皆擬于阿衡。五尺童子羞比晏嬰。與夷吾當途者。升青雲失路者。委溝渠。旦握權則爲卿相。夕失勢則爲匹夫。譬若江湖之崖。激澥之島。乘鴈集。不爲之多。雙鳬飛。不爲之少。飛鳥曰雙四鴈曰乘昔三仁去而殷墟。二老歸而周熾。子胥死而吳亡。種蠡存而越霸。五羖入而秦喜。樂

此段言古人
才去畱係國

輕重蓋矯上
文時平無所

須才意

澤嘗就唐舉

相舉笑曰聖

人無相其殆

子乎是見笑

于唐舉也

此段即上鄒

衍孟軻數句

意但再明其

意而文不重

登所以爲作

手

毅出而燕懼。范睢以折摺而危穰侯。蔡澤以噤吟而
笑唐舉。噤吟即故當其有事也。非蕭曹子房平勃樊
霍則不能安。當其無事也。章句之徒相與坐而守之。
亦無所患。故世亂則聖哲馳驚而不足。世治則庸夫
高枕而有餘。夫上世之士。或解縛而相。或釋褐而傳。
或倚夷門而笑。或橫江潭而漁。或七十說而不遇。或
立談而封侯。或枉千乘于陋巷。或擁篲而先驅。是以
士頗得信其舌。而奮其筆。窒隙蹈瑕而無所詘也。當
今縣令不請士。郡守不迎師。羣卿不揖客。將相不俛
眉。言奇者見疑。行殊者得辟。是以欲談者卷舌。而同

道出世變人情無復餘蘊當今之世何以異此

至此方說出所必守玄意而語亦玄

火炎二者藏熱而滅雷隆二者收聲而絕真虛無耳安得實乎言盛之易衰也

今子以下即答客難以管

聲欲步者擬足而投跡嚮使上世之士處乎今世策非甲科行非孝廉舉非方正獨可抗疏時道是非高得待詔下觸聞罷又安得青紫且吾聞之炎炎者滅隆隆者絕觀雷觀火為盈為實天収其聲地藏其熱高明之家鬼瞰其室李奇曰鬼神害盈而福謙攬拏者亡默默者存位極者高危自守者身全是故知玄知默守道之極爰清爰靜游神之庭惟寂惟漠守德之宅世異事變人道不殊彼我易時未知何如李奇曰或能勝之今子乃以鴟梟而笑鳳凰執螻蟴而嘲龜龍不亦病乎子之笑我玄之尚白吾亦笑子病甚不遇俞跗與扁鵲也

覓天意

古今文編

卷六

曰當其際曰
遇其時曰中
其適曰得其
所曰合其宜

悲夫客曰然則靡玄無所成名乎范蔡以下何必玄
哉楊子曰范雎魏之亡命也折脅摺髀髀音格免于微
索翁肩蹈背扶服入索激叩萬乘之主介涇陽抵穰
侯而代之當也蔡澤山東之匹夫也顙頥顙音曲頥也折
頤涕垂流沫西揖强秦之相搯其咽而亢其氣拊其
背而奪其位時也天下已定金革已平都于洛陽高祖
西都婁敬委輅脫輓掉三寸之舌建不拔之策舉中
國徙之長安適也五帝垂典三王傳禮百世不易叔
孫通起于抱鼓之間解甲投戈遂作君臣之儀得也
呂刑靡敝秦法酷烈聖漢權制而蕭何造律宜也故

五个也字相
次而下若貫
珠焉

前用五也字
後以故字一
轉又用四个
矣字文法最
妙

有造蕭何之律于唐虞之世則悖矣有作叔孫通之
儀于夏殷之時則惑矣有建婁敬之策于成周之世
則繆矣左氏傳曰召公糾合宗族于成周有談范蔡之說于金張許
史之間則狂矣夫蕭規曹隨畱侯畫策陳平出奇功
若泰山嚮若坻坻音抵隕雖其人之膽智哉亦會其時
之可爲也故爲可爲于可爲之時則從爲不可爲于
不可爲之時則凶若夫蘭生收功于章臺四皓采榮
于南山公孫創業于金馬驃騎發跡于祁連司馬長
卿高貴即高貴刻割炙于細君僕誠不能與此

古默然獨守吾太玄

劉勰曰楊雄解嘲禱以諧諛迴環自釋頗亦爲工
唐順之曰此祖東方曼倩答客難而枝葉文采過之
其一氣渾成則相去甚遠

張以忠曰精彩光艷燁然如龍蹯虎綉照耀一時

二二二

